



Broj: T09 0 KTK 0119198 18
Sarajevo, 07.08.2018. godine

HITNO! PRITVOR!

OPĆINSKI SUD U SARAJEVU
Sudiji za prethodno saslušanje
S A R A J E V O

Na osnovu člana 45. stav 1. i 2. tačka i) Zakona o krivičnom postupku Federacije Bosne i Hercegovine (u daljem tekstu ZKP F BiH) i člana 241. stav 1. ZKP F BiH, podižem:

OPTUŽNICU

Protiv:

- 1. Esed Radeljaš,.....1958. godine u mjestu Radeljević, općina Foča,...** diplomirani ekonomista, po zanimanju penzioner, ...prema Izvodu iz kaznene evidencije neosuđivan, iz prikupljenih dokaza proizilazi da je Presudom Vrhovnog suda FBiH ... od 26.05.2005. godine osuđen na jedinstvenu kaznu zatvora u trajanju od 1 (jedne) godine, koju kaznu nije izdržao zbog nastupanja zastare izvršenja kazne, vodi se krivični postupak pred Kantonalnim sudom u Sarajevu zbog krivičnog djela ovjeravanje neistinitog sadržaja iz člana 375 stav 2 u vezi stava 1 KZ FBiH, zloupotreba službenog položaja ili ovlaštenja iz člana 383 stav 1 KZ FBiH u vezi sa članom 32 KZ FBiH (podstrekavanje); zloupotreba službenog položaja ili ovlaštenja iz člana 383 stav 3 u vezi stava 1 KZ FBiH u vezi sa članom 32 KZ FBiH (podstrekavanje), pranje novca iz člana 272 stav 2 u vezi stava 1 KZ FBiH, davanje dara i drugih obliak koristi iz člana 381 stav 1 KZ FBiH, sve u vezi člana 32 KZ FBiH (podstrekavanje), člana 54 KZ FBiH (sticaj krivičnih djela) i člana 55 KZ FBiH (produženo krivično djelo) i krivičnog djela Zloupotreba položaja ili ovlaštenja iz člana 383. stav 3. u vezi stava 1. KZ F BiH i krivično djelo Pranje novca iz člana 272. stav 2. u vezi stava 1. KZ F BiH sve u vezi sa članom 54. KZ FBiH;
- 2. Amra Radeljaš,rođena 1980. godine u Sarajevu,po zanimanju zubni tehničar,neosuđivana, JMB**
- 3. Admir Radeljaš, zv. „Ado“, ...rođen 1993. godine u Sarajevu, po zanimanju diplomirani pravnik,neosuđivan**
- 4. Eldina Bešlagić zvana „Nina“, rođena 1979. godine u Konjicu.. po zanimanju ljekar,neosuđivana**
- 5. Dragiša Đogović, zv. „Đoga“, rođen 1957. godine u mjestu Grabovica, po zanimanju doktor hirurg,neosuđivan**

to su:

U decembru 2017. godine, u Sarajevu, Esed Radeljaš, protiv kojeg se pred Kantonalnim sudom u Sarajevu po optužnici Kantonalnog tužilaštva Kantona Sarajevo ...vodi krivični postupak, za vrijeme dok se privremeno nalazio na slobodi, jer mu je mjera pritvora nepravosnažnim rješenjem Kantonalnog suda u Sarajevu od 03.11.2018. godine ukinuta, po saznanju da je Kantonalno tužilaštvo Kantona Sarajevo, protiv njega podiglo drugu optužnicu ... od 08.12.2017. godine, sa prijedlogom da mu se odredi mjera pritvora i dostavilo istu Kantonalnom sudu u Sarajevu na potvrđivanje, a znajući da je D.B., smještena na liječenje u JU „Opća bolnica prim dr. Abdulah Nakaš“ u Sarajevu, u kojoj bolnici je kao ljekar zaposlena Eldina Bešlagić zvana Nina, koja obnaša dužnost šefa Odjela Urgentne medicine u JU „Opća bolnica prim.dr. Abdulah Nakaš“, a koju je poznao od ranije, kao i Dragiša Đogović, šef Odjeljenja hirurgije, a svjestan i znajući za blizak kolegijalni i prijateljski odnos između Eldine Bešlagić i Dragiše Đogovića, i svjestan stvarnog, službenog, društvenog i uticajnog položaja Dragiše Đogovića, zbog njegove funkcije koju obnaša u bolnici i ugleda koji ima kao dugogodišnji ljekar i priznati stručnjak u svojoj oblasti, a znajući da Dragiša Đogović kao ljekar, u bilo koje doba, i izvan vremena za posjete u bolnici, može doći kod D.B. u njenu bolesničku sobu, dana 08.12.2017. godine, Esed Radeljaš, stupio u kontakt sa Eldinom Bešlagić, na način što ju je pozvao sa svog broja telefona ...na njen broj telefona koji mu je od ranije bio poznat, te se potom istoga dana s njom sastao na njenom radnom mjestu u prostorijama JU “Opća bolnica prim.dr.Abdulah Nakaš“, i zatražio da ona i Dragiša Đogović, zajedničkim djelovanjem prema D.B., utiču na istu da preduzme službenu radnju kako bi mu se u krivičnom postupku po navedenim optužnicama izdejsstvovao povoljniji procesni položaj, na način da mu se omogući odbrana sa slobode, i to tako da Eldina Bešlagić, korištenjem svog uticaja prema Dragiši Đogoviću, po osnovu njihovog bliskog prijateljskog i kolegijalnog odnosa, utiče na dr. Dragišu Đogovića i ubijedi ga da koristeći svoj službeni i društveni uticajni položaj koji proizilazi iz njegove funkcije i ugleda stečenog dugogodišnjim radom u struci, kao i uticajni položaj koji proizilazi iz odnosa ljekara prema pacijentu, a koristeći situaciju u kojoj se nalazila D.B. kao teško pokretan pacijent na postoperativnom tretmanu, i činjenicu da je istu očekivao duži oporavak i rehabilitacija u zdravstvenoj ustanovi u kojoj je on zaposlen, posreduje kod D.B. i od nje zatraži da kao službena osoba preduzme naprijed opisane službene radnje obećavši da će ih za tu uslugu „počastiti“ , tačnije dati im novac, a **Eldina Bešlagić** pristajući na sve to i postupajući po zahtjevu i uputi Eseda Radeljaša, dana 10.12.2017. godine stupila, u kontakt sa Dragišom Đogovićem i korištenjem svog uticaja koji proizilazi iz njihovog bliskog prijateljskog i kolegijalnog odnosa, dogovorila sa istim da izvrši traženo posredovanje prema D.B. na šta je on pristao, o čemu je odmah obavijestila Eseda Radeljaša, da bi nakon što je Esedu Radeljašu pritvor ponovo određen i isti vraćen u KPZ „Sarajevo“ u Sarajevu dana 13.12.2017. godine, po uputama Eseda Radeljaša, Eldinu Bešlagić nastavila kontaktirati njegova kćerka **Amra Radeljaš**, sa svog telefonskog broja ... a povremeno i sa telefonskog broja koji je u ranijem periodu povremeno koristio Esed Radeljaš, na njen broj telefona..... zahtijevajući od Eldine Bešlagić da utiče na Dragišu Đogovića i da ga „pritisne“, kako bi iskoristio svoj službeni i uticajni položaj i uticao na D.B. da ista izvrši službenu radnju davanjem upute postupajućem tužiocu Kantonalnog tužilaštva KS koji zastupa optužnicu u predmetima Kantonalnog tužilaštva KS protiv Eseda Radeljaša... S.O., da se isti

saglasio sa prijedlogom odbrane da se Esedu Radeljašu pritvor ukine, ili da istom naloži da on predloži ukidanje pritvora Esedu Radeljašu, a imajući u vidu da su tužiocu Kantonalnog tužilaštva KS u skladu sa članom 29. Pravilnika o unutrašnjoj organizaciji Kantonalnog tužilaštva KS ...od 06.01.2016. godine, dužni izvršavati naredbe i pojedinačne upute koje dobiju od glavne tužiteljice, a Eldina Bešlagić, svjesna i znajući da uticaj prema D.B. kako bi izvršila traženu službenu radnju, može ostvariti samo zajedničkim djelovanjem sa Dragišom Đogovićem, koji zbog svog službenog i uticajnog položaja, jedini ima mogućnost izvršiti traženu uslugu posredovanja, za šta im je Esed Radeljaš obećao nagradu u novcu, postupajući po uputama Amre Radeljaš od Dragiše Đogovića nastavila kontinuirano tražiti da posjećuje D.B. i utiče na istu da se pritvor Radeljašu ukine, kao i da njoj prenosi povratne informacije radi informisanja Eseda i Amre Radeljaš, a **Dragiša Đogović** koji je već dao pristanak na zahtjevani vid posredovanja u cilju uticaja prema D.B. koristi svoj službeni i uticajni položaj i situaciju u kojoj se nalazila D.B., kao pacijent u JU „Opća bolnica prim.dr.Abdulah Nakaš“, i posreduje kod iste kako bi ona izvršila traženu službenu radnju, u cilju ukidanja pritvora Esedu Radeljašu, svjestan i znajući da od službene osobe u F BiH, glavne tužiteljice, zahtijeva da izvrši službenu radnju koju ne smije izvršiti, tako što dana 14.12.2017. godine posjećuje D.B. u njenoj bolesničkoj sobi u JU „Opća bolnica prim.dr. Abdulah Nakaš“ izvan vremena predviđenog za posjete u vrijeme kada je bila sama, te koristeći situaciju da kao ljekar u bolnici u kojoj je ona pacijent, razgovara s njom o pritvoru Eseda Radeljaša, svjestan i znajući da njen dalji oporavak, podrazumijeva i dužu rehabilitaciju u bolnici u kojoj je on zaposlen kao ljekar, i da ga zbog specifičnosti situacije u kojoj se našla, ne može kao ljekara te bolnice grubo odbiti ili zatražiti da napusti njenu bolesničku sobu, te u namjeri da takav svoj položaj iskoristi, od nje zatražio da utiče na postupajućeg tužioca da se Radeljaš pusti iz pritvora, te iako je D.B. odbila bilo kakav vid pomoći, obavijestio Eldinu Bešlagić da je obećala da će „probati“, a Eldina Bešlagić istoga dana u telefonskom razgovoru prenijela Amri Radeljaš da je Đogović posjetio D.B. da će ju i sutra u posjetiti, kao i da mu je ona rekla da „ide stalno“, nakon čega Amra Radeljaš i Eldina Bešlagić dogovaraju sastanak narednog dana u jutarnjim satima u prostorijama JU „Opća bolnica prim.dr. Abdulah Nakaš“, na kojem sastanku je Eldina Bešlagić, od Amre Radeljaš zahtijevala novac u iznosu od 5.000,00 KM koji je za vršenje usluge posredovanja tražio Dragiša Đogović, uz objašnjenje da „moraju dati čovjeku jer su obećali“ i tražeći od nje da ode „porazgovarati s babom da vidi šta će on reći“, nakon čega je Amra Radeljaš o sadržaju navedenog razgovora informisala svoga brata **Admira Radeljaša** koji svjestan i znajući da je nagrada u novcu obećana za obavljeni posao posredovanja da glavna tužiteljica D.B. korištenjem svog službenog položaja, izvrši službenu radnju na način da izda naredbu postupajućem tužiocu kako bi se saglasio sa ukidanjem pritvora Esedu Radeljašu, a što do tada nije realizovano, Amri Radeljaš rekao da je „Eso rekao da se ne daje ništa dok se ne završi“, ali na njen zahtjev u cilju pribavljanja upute od Eseda Radeljaša kako da postupe u vezi sa zahtjevanim iznosom novca, po prethodnom dogovoru sa Amrom Radeljaš dana .. godine u popodnevnim satima, otišao u posjetu Esedu Radeljašu u pritvor, nakon čega je pozvao Amru Radeljaš i istoj prenio da treba da odu da se nađu sa Eldinom Bešlagić, da bi se istoga dana Amra Radeljaš i Admir Radeljaš, svojim PMVodvezli do JU“Opća bolnica prim.dr. Abdulah Nakaš“, te zajedno ušli u unutrašnjost bolnice, gdje su predali kovertu s novcem u iznosu od 2.000,00 KM Eldini Bešlagić, za radnje koje su preduzeli s ciljem posredovanja korištenjem službenog i uticajnog položaja

Dragiša Đogovića, prema glavnoj tužiteljici D.B. da izvrši opisanu službenu radnju, da bi nakon toga, Eldina Bešlagić i Dragiša Đogović, kako bi opravdali novac koji su uzeli, održavali Amru Radeljaš u uvjerenju da Dragiša Đogović i dalje preduzima radnje posredovanja prema D.B., pa je Dragiša Đogović, kako bi Eldina Bešlagić informisala Amru Radeljaš, istoj u više navrata govorio da je posjetio D.B. u njenoj bolesničkoj sobi i pitao za pritvor Eseda Radeljaša, te joj je pored sadržaja razgovora koji je dana 14.12.2017. godine obavio sa D.B. kada je od nje zatražio da preduzme traženu službenu radnju, da bi bio uvjerljiviji, istoj prenosio i informacije o njenom zdravstvenom stanju i planu povratka na posao, a što je Eldina Bešlagić konitnuirano prenosila Amri Radeljaš i povremeno Admiru Radeljaš, kako bi izvjestili Eseda Radeljaša, te istovremeno, na Dragišu Đogovića nastavila vršiti pritisak da korištenjem svog uticaja i dalje posreduje kod D.B. sve s ciljem da ispoštuju prethodni dogovor i zajedničkim djelovanjem ishode da glavna tužiteljica preduzme službenu radnju za čije izvršenje im je od strane Eseda Radeljaša obećan, a dijelom i dana 15.12.2017. godine, predat novac, a Esed Radeljaš, kojem Amra Radeljaš prenosi sve ono što njoj u telefonskim i neposrednim razgovorima kaže Eldina Bešlagić, posredstvom Amre Radeljaš, od Eldine Bešlagić traži da dodatno „pritisne“ Dragišu Đogovića kako bi on pojačao uticaj i izvršio pritisak na glavnu tužiteljicu D.B. obećavajući da će za to pored iznosa novca koji je unaprijed dat, Eldina biti posebno počašćena, odnosno da ide na „duplu cifru“, te joj je na ime nagrade za usluge posredovanja, poslao i 5 kg suhog mesa koje joj je Amra Radeljaš, prilikom dogovorenog susreta predala na autobuskom stajalištu u naselju ...godine, a na šta Eldina Bešlagić pristaje, o čemu Amra Radeljaš putem TV kanala VOG, kojeg Esed gleda u pritvoru, i preko kojeg, slanjem SMS poruka s istim uobičajeno komuniciraju, SMS porukom odmah obavještava Eseda Radeljaša, ali kako glavna tužiteljica D.B. nije preduzela službenu radnju radi čijeg preduzimanja je na nju izvršen uticaj, a Eldina Bešlagić i Dragiša Đogović, postali svjesni da uticaj na glavnu kantonalnu tužiteljicu nije dao željeni rezultat, isti se dogovorili i smislili drugi plan kako da izdejtstvuju ukidanje pritvora Esedu Radeljašu i to na način da stupe u kontakt sa zavodskim ljekarom u KPZ „Sarajevo“, za čije ime se po uputi Dragiše Đogovića, Eldina Bešlagić raspitala kod Amre Radeljaš, kako bi uticali na njega da uputi Eseda Radeljaša na bolničko liječenje zbog navodnog pogoršanja zdravstvenog stanja u dane kada se pritvorenci upućuju zbog ljekarskih intervencija u JU „Opća bolnica Prim.dr. Abdulah Nakaš“ gdje su oni zaposleni, a potom, korištenjem svog službenog položaja izdejtstvoli njegovo zadržavanje na bolničkom liječenju u JU „Opća bolnica Prim.dr. Abdulah Nakaš“, a potom i temeljem ljekarskih nalaza ukidanje pritvora istom, ali na šta Esed Radeljaš ne pristaje, te potom, dogovaraju da Dragiša Đogović stupi u kontakt sa sudijom D.J., prijateljem D.B., kako bi posredstvom njega uticao na D.B. da izvrši traženu, naprijed opisanu službenu radnju, a o čemu Eldina Bešlagić obavještava Amru Radeljaš, ali koji plan u konačnici nije uspio

dakle osumnjičeni Esed Radeljaš, Amra Radeljaš i Admir Radeljaš, zajedno i po prethodnom dogovoru obećali i dali nagradu osobi koja ima službeni, društveni i uticajni položaj, da posreduje da službena osoba u Federaciji izvrši službenu radnju, a Eldina Bešlagić i Dragiša Đogović, zajedno i po prethodnom dogovoru posredovali, korištenjem službenog, društvenog i uticajnog položaja da službena osoba u Federaciji izvrši

službenu radnju, za šta je Dragiša Đogović zahtijevao, a Eldina Bešlić i Dragiša Đogović i primili nagradu

čime su,

osumnjičeni

Esed Radeljaš, Amra Radeljaš i Admir Radeljaš, počinili krivično djelo Davanje nagrade ili drugog oblika koristi za trgovinu uticajem iz člana 382a stav 1 KZ F BiH u vezi sa članom 31. KZ F BiH, a osumnjičeni **Eldina Bešlić i Dragiša Đogović**, krivično djelo Primanje nagrade ili drugog oblika koristi za trgovinu uticajem iz člana 382 stav 3. u vezi sa stavom 2. KZ F BiH, sve u vezi sa članom 31. KZ F BiH,

KANTONALNI TUŽILAC